

唐
音
統
籤

丁籤十六劉長卿之三

唐音統籤卷

二百三十三

七言古詩

疲兵篇

驕虜來秋下
薊門陰山日
夕煙塵昏三軍
疲馬力已盡
百戰殘兵功未
論陣雲決滸屯
塞北羽書紛
紛來不息孤城
望處增斷腸折
劍看時可需臆
元戎日夕但歌舞
不念關山久辛
苦自矜倚劍氣
凌雲却笑聞笳
淚如雨萬里飄
飄空此身十年
征戰老胡塵赤
心報國無片賞
白首還家有幾
人朔風蕭蕭動
枯草旌旗獵獵
榆關道漢月何
曾照客心

胡笳只解催人老
軍前仍欲破重圍
閨裏猶應愁未歸
小婦十年啼夜織
行人九月憶寒衣
飲馬滹河晚更清
行吹羌笛遠歸營
只恨漢家多苦戰
徒遺金鏃滿長城

客舍喜鄭三見訪

客舍逢君未換衣
閉門愁見桃花飛
遙想故園今已爾
家人應念行人歸
寂寞垂楊映深曲
長安日暮靈臺宿
窮巷無人鳥雀閒
空庭新雨莓苔綠
此中分與故交疎
何幸仍迴長者車
十年未稱平生意
好得辛勤謾讀書

小鳥篇上裴尹

藩籬小鳥何甚微翩翩日夕空此飛只緣大翮不
自致長似孤雲無所依西城黯黯斜暉落衆鳥紛
紛皆有託獨立雖輕鷺雀群孤飛還懼鷹鵠搏自
憐天上青雲路弔影徘徊獨愁暮銜花縱有報恩
時擇木誰容托身處歲月蹉跎飛不進羽毛顛顛
何人問遶樹空隨鳥鵲驚巢林只有鷓鴣分主人
庭中蔭喬木愛此清陰欲棲宿少年挾彈遙相猜
遂使驚飛往復迴不辭奮翼向君去唯怕金丸隨
後來

聽笛歌留別鄭協律

舊遊憐我長沙謫，載酒沙頭送離客。
天涯望月自沾衣，江上何人復吹笛。
橫笛能令孤客愁，淒波淡淡如不流。
商聲寥亮羽聲苦，江天寂歷江楓秋。
靜聽關山聞一叫，聞字疑關字之誤三湘月色悲猿嘯。
又吹楊柳激繁音，千里春色傷人心。
隨風飄向何處落，唯見曲盡平湖深。
明發與君離別後，馬上一聲堪白首。

潁川留別司倉李萬

故人早負子將髦，誰言未展平生意。
想君疇昔高

步時肯料如今折腰事且知投刃皆若虛日揮案牘常有餘槐暗公門趨小吏荷香陂水膾鱸魚客裏相逢數語深如何岐路剩霑襟白雲西上催歸念頽水東流是別心落日征驂隨去塵含情揮手背城闌已恨良時空此別不堪秋草更愁人

江樓送太康郭主簿赴嶺南

對酒憐君安可論當官愛士如平原料錢用盡却爲謗食客空多誰報恩萬里孤舟向南越蒼梧雲中暮帆滅樹色應無江北秋天涯尚見淮陽月驛路南隨桂水流猿聲不絕到炎州青山落日那堪

望誰見思君江上樓

送賈三北遊

賈生未達猶窘迫身馳疋馬邯鄲陌片雲郊外遙
送人斗酒城邊暮留客願予他日仰時髦不堪此
別相思勞雨色新添漳水綠夕陽遠照蘇門高把
袂相袂衣共緇窮愁只是惜良時亦知到處逢下
榻莫滯秋風西上期

時平後送范倫歸安州

昨聞戰罷圖麟閣破虜收兵卷戎幕滄海初看漢
月明紫微已見胡星落憶昔扁舟北南渡荊棘煙

塵滿歸路與君携手姑蘇臺望鄉一日登幾回白
雲飛鳥去寂寞吳山楚岫空崔嵬事往時平還舊
丘青青春草近家愁洛陽舉目今誰在潁水無情
應自流吳苑西人去欲稀留連一日空知非江潭
歲盡愁不盡鴻鴈春歸身未歸萬里遙懸帝鄉憶
五年空帶風塵色都到長安逢故人不道姓名應
不識

齊一和尚影堂

一公住世忘世紛暫事復去誰能分身寄虛空如
過客心將生滅是浮雲蕭散浮雲往不還淒涼遺

教殿仍傳舊地愁看雙樹在空堂只是一燈懸一
燈長照恒河沙數樹猶落諸天花天花寂寞香深
殿苔蘚蒼蒼闕廡院昔余精念訪禪扉常接微言
清道機今來寂寞無所得唯其門人淚滿衣

戲贈于越尼子歌

鄱陽女子年十五家本秦人今在楚厭向春江空
浣紗龍宮落髮披袈裟五年持戒長一食至今猶
自顏如花亭亭獨立青蓮下忍草禪枝繞精舍自
用黃金買地居能嫌碧玉隨人嫁北客相逢疑姓
秦銓花拋却仍青春一花一竹如有意不語不笑

能留人黃鸝欲棲白日暮天香未散經行處却對
香爐閒誦經春泉漱玉寒泠泠雲房寂寂夜鐘後
吳音清切令人聽人聽吳音歌一曲杳然如在諸
天宿誰堪世事更相牽惆悵迴船江水淥

長短句

登吳古城歌

登古城兮思古人感賢達兮同埃塵望平原兮寄
遠目歎姑蘇兮聚麋鹿黃池高會事未終滄海橫
流入蕩覆伍員殺身誰不冤竟看墓樹如所言越
王嘗膽安可敵遠取石田何所益一朝空謝會稽

人萬古猶傷用東客黍離離兮城坡地牛羊踐兮
牧豎歌野無人兮秋草綠園爲墟兮古木多白楊
蕭蕭悲故柯黃雀啾啾爭晚禾荒阡斷兮誰重過
孤舟逝兮愁若何天寒日暮江楓落葉去辭風水
自波

王昭君歌

自矜嬌艷色不顧丹青人那知粉繪能相負却使
容華翻誤身上馬辭君嫁驕虜玉顏對人啼不語
北風鴈急浮雲秋萬里獨見黃河流纖腰不復漢
宮寵雙蛾長向胡天愁琵琶絃中苦調多蕭蕭羌

笛聲相和誰憐一曲傳樂府能使千秋傷綺羅

銅雀臺

嬌愛更何日高臺空數層含啼映雙袖不忍看西陵
漳水東流無復來百花輦路爲蒼苔青樓月夜長寂寞
碧雲日暮空徘徊君不見鄴中萬事非昔時古人不在
今人悲春風不逐君王去草色年年舊宮路宮中歌舞
已浮雲空指行人往來處

明月灣尋賀九不遇

楚水日夜綠傍江春草深青青遙滿目萬里傷歸心
故人川上復何之明月灣南空所思故人不在

明月在誰見孤舟來去時

入桂渚次杪牛石穴

扁舟傍歸路日暮瀟湘深湘水清見底楚雲澹無
心片帆落桂渚獨夜依楓林楓林月出猿聲苦桂
渚天寒桂花吐此中無處不堪愁江客相看淚如
雨

湘中憶歸

終日空理棹經年猶別家頃來行已遠彌覺天無
涯白雲意自深滄海夢難隔迢遞萬里帆飄飄一
行客獨憐西江外遠寄風波裏平湖流楚天孤鴈

渡湘水湘流澹澹空愁予猿啼啾啾蒲南楚扁舟
泊處聞此聲江客相看淚如雨

望龍山懷許道士法稜

心惆悵望龍山雲之際鳥獨還懸崖絕壁幾千丈
綠蘿嫋嫋不可攀龍山高誰能踐靈原中蒼翠晚
嵐煙瀑水如向人終日迢迢空在眼中有一人披
霓裳誦經山頂瓊瓊漿空林閒坐獨焚香真官列
侍儼成行朝入青霄禮玉堂夜掃白雲眠石床桃
花洞裏居人滿桂樹山中住日長龍山高高遙相
望

唐詩集
贈湘南漁父

聞君何所適暮暮逢煙水獨與不繫舟往來楚雲
裏釣魚非一歲終日只如此日落江清桂檝遲纖
鱗百尺深可窺沉鈎垂餌不在得白首滄浪空自
知

長沙贈衡岳祝融峯般若禪師

般若公般若公負鉢何時下祝融歸路却看飛鳥
外禪房空掩白雲中桂花寥寥閒自樂流水無心
西復東

送郭六侍御之武陵郡

常愛武陵郡羨君將遠尋空憐世界迫孤負桃源
心洛陽遙想桃源隔野水閑流春自碧花下常迷
楚客船洞中時見秦人宅落日相看斗酒前送君
南望但依然河梁馬首隨春草江路猿聲愁暮天
丈人別乘佐分憂才子趨庭兼勝遊澧浦荆門行
可見知君詩興滿滄洲

巖陵釣臺送李康成赴江東使

潺湲子陵瀨髮髯如在目七里人已非千年水空
綠新安江上孤帆遠應逐楓林萬餘轉古臺落日
共蕭條寒水無波更清淺臺上漁竿不復持却令

猿鳥向人悲，離聲山翠垂。
至今在遲爾，行舟晚泊時。
送杜越江佐覲省往新安江

去帆楚天外，望遠愁復積。
想見新安江，扁舟一行客。
清流數千丈，底下看白石。
色混元氣深，波連洞庭碧。
鳴榔去未已，前路行可覲。
猿鳥悲啾啾，杉松雨聲夕。
送君東赴歸寧期，新安江水遠相隨。
見說江中孤嶼在，此行應賦謝公詩。

新安送陸澧歸江陰

新安路人來去早，潮復晚潮明日知。
何處潮水無情亦解歸，自憐長在新安住。

送友人東歸

別酒灞亭暮相看愁自深
河邊草已綠此別難爲
心關路迢迢正馬歸垂楊
寂寂數鶯飛憐君獻策
十餘載今去猶爲一布衣

送姚子弟往南郊

一展慰久瀾寸心仍未伸
別時兩童稚及此俱成人
那堪適會面遽已悲分首
客路向楚雲河橋對
衰柳送君正馬別河橋
汝南山郭寒蕭條今我單
車復西上郎去灞陵轉惆
悵何處共傷離別心明
月亭亭兩鄉望

題曲阿三昧王公殿前孤石

孤石自何處對之疑舊遊氛氲峴首夕青翠剡中秋迥出群峯當殿前雪山靈鷲慙貞堅一片孤雲長不去莓苔古色空蒼然

美白鷗歌

泛泛江上鷗毛衣皓如雪朝飛瀟湘水夜宿洞庭月洞庭歸客正夷猶愛此滄江閒白鷗

山鸛鵒歌

山鸛鵒長在此山吟古木嘲哢相呼響空谷哀鳴萬變如成曲江南逐臣悲放逐倚樹聽之心斷續

巴人峽裏自聞猿燕客水頭空擊筑山鵲鵲一生
不及雙黃鵠朝去秋田啄殘粟暮入寒林嘯群族
鳴相逐啄殘粟食不足青雲杳杳無力飛白露蒼
蒼抱枝宿不知何事守空山萬壑千峯自愁獨

觀李湊所畫美人障子

愛爾含天姿丹青有殊智無間已得象象外更生
意西子不可見千載無重還空令浣紗態猶在含
毫間一笑豈易得雙蛾如有情窻風不舉袖但覺
羅衣輕華堂翠幕春風來內閣金屏曙色開此中
一見亂人眼只疑行到陽雲臺

丁籤十六劉長卿之四

唐音統籤卷

二百三十四

五言律詩一

長門怨

何事長門閉珠簾只自垂月移深殿早春向後宮
遲蕙草生閒地梨花發舊枝芳菲似恩幸看着被
風吹

少年行

射飛誇侍獵行樂愛聯鑣薦枕青蛾豔鳴鞭白馬
驕曲房珠翠合深巷管絃調日晚春風裏衣香滿
路飄

偶然作

野寺長依止田家或往還老農閒古地夕鳥入寒
山書劍身同廢煙霞吏共閒豈能將白髮扶杖出
人間

歲日作

建寅迴北斗看曆占春風律變滄江外年加白髮
中春衣試稚子壽酒勸衰翁今日陽和發榮枯豈
不同

新年作

鄉心新歲切天畔獨潸然老至居人下春歸在客

先嶺猿同旦暮江柳共風煙已似長沙傳從今又
幾年

早春

微雨夜來歇江南春色迴本驚時不任還恐老相
催人好千場醉花無百日開豈堪滄海畔爲客十
年來

喜晴

文苑英華補

曉日西風轉秋天萬里明湖天一種色林鳥百般
聲霽景浮雲滿遊絲映水輕今朝江上客凡慰幾
人情

碧澗別墅喜皇甫侍御相訪

荒村帶返照落葉亂紛紛古路無行客空山獨見
君野橋經雨斷澗水向田分不爲憐同病何人到

白雲

方虛谷云此
詩句句明澗

歲夜喜魏萬成郭夏雪中相尋

新年欲變柳舊客共霑衣歲夜猶難盡鄉春又獨
歸寒燈映虛牖暮雪掩閑扉且莫乘船去平生相
訪稀

喜李翰自越至

南浮滄海上萬里到吳臺久別長相憶孤舟何處

來春風催客醉江月向人開
羨爾無羈束沙鷗猶不猜

西庭夜燕喜評事兄拜會

猶是南州吏江城又一春
隔簾湖上月對酒眼中人
棘寺初銜命梅仙已誤身
無心羨榮祿唯待却垂綸

秋夜雨中諸公過靈光寺所居

晤語青蓮舍重門閉夕陰
向人寒燭靜帶雨夜鐘深
一作流水從他事孤雲任此心
不能捐斗粟終

日愧瑤琴

喜鮑禪師自龍山至

故居

一作山

何日下春草欲芊芊猶對山中月誰聽

石上泉猿聲知後夜花發見流年杖錫閒來往無
心到處禪

初到碧澗招明契上人

漸老知身累初寒曝背眠白雲留永日黃葉減餘
年猿護窻前樹泉澆谷後

一作口

田沃洲能共隱不

用道林錢

晦日陪辛大夫宴南亭

月晦逢休澣年光逐宴移早鶯留客醉春日爲人

遲莫草全無葉梅花遍壓枝政閒風景好莫比峴
山時

九日登李明府北樓

九日登高望蒼蒼遠樹低人煙湖草裏山翠縣樓
西霜降鴻聲切秋深客思迷無勞白衣酒陶令自
相携

同諸公登樓

秋草行將暮登樓客思驚千家同霽色一鴈報寒
聲北望無鄉信東遊滯客行今君佩銅墨還有越
鄉情

陪王明府泛舟

花縣彈琴暇，樵風載酒時。
山含秋色近，鳥度夕陽遲。
出沒是成浪，飄飄籠竹亞。
枝雲峯逐人，意來去解相隨。

陪幸大夫西亭宴觀妓

歌舞憐遲日，旌麾映早春。
鶯窺隴西將，花對洛陽人。
醉罷知何事，恩深忘此身。
任他行雨去，歸路裊香塵。

過李將軍南鄭林園觀妓

郊原風日好，百舌弄何頻。
小婦秦家女，將軍天上人。

人鴉歸長郭暮草映大堤春客散垂楊下通橋車
馬塵

楊州雨中張十宅觀妓

一作張謂詩

夜色帶

才調集作帶

春煙燈花拂更燃殘粧添石黛豔

舞落金鈿掩笑頻歌扇迎歌乍動絃不知巫峽雨
何事海西邊

長沙館中與郭夏對雨

長沙積雨晦深巷絕人幽澗上春衣冷聲連暮角
愁雲橫全楚地樹暗古湘洲杳藹江天外空堂生
百憂

春過裴虬郊園

時裴不在
因以寄之

郊原春欲暮
桃杏落紛紛
何處尋芳草
留家寄白雲
聽鶯情念友
看竹恨無君
長嘯高臺上
南風冀爾聞

過前安宜張明府郊居

寂寥東郭外
白首一先生
解印孤琴在
移家五柳成
夕陽臨水釣
春雨向田畊
終日空林下
何人識此情

過橫山顧山人草堂

抵

一作只

見山相拚誰
言路尚通
人來千嶂外
犬吠

百花中細草香飄兩垂楊閑弄風却尋樵徑去惆
悵綠溪東

使迴次柳楊過元八所居

君家楊柳渡來往落帆過綠竹經寒在青山欲暮
多辟離誠可戀婚嫁復如何無奈閒門外漁翁夜
夜歌

過湖南羊處士別業

杜門成白首湖上寄生涯秋草無一作三徑寒塘

獨一家鳥歸村落盡水向縣城斜自有東籬菊年

年解作花

一作愛妝醺還
醉東籬菊正花

過鸚鵡洲王處士別業

白首此爲漁青山對結廬問人尋野笋留客饋家
蔬古柳依沙發春苗帶雨鋤其憐芳杜色終日伴
閒居

過鄒三湖上書齋

何事東南客忘機一釣竿酒香開甕老湖色對門
寒向郭青山送臨池白鳥看見君能浪跡予亦厭
微官

尋南溪常道人隱居

路經行處莓苔見履痕白雲依靜渚春芳一作草

閉閉門過雨看松色隨山到水源溪花與禪意相
對亦忘言

尋洪尊師不遇

古木無人地來尋羽客家道書堆玉按仙帔疊青
霞鶴老難知歲梅寒未作花山中不相見何處化
丹砂

雲門寺訪靈一上人

所思勞日夕惆悵去西東禪客知何在春山到處
同獨行殘雪裏相見白雲中請近東林寺窮年事
遠公

集梁耿開元寺所居院

到君幽臥處爲我掃莓苔花雨無時

一作晴天

落松風

終日來路經深竹過門向遠山開豈得長高枕中朝正用才

遊休禪師雙峯寺

雙扉碧峯際遙向夕陽開飛錫方獨往孤雲何事求寒潭映日月秋雨上青苔相送東郊外羞看驄馬回

登思禪寺題上方地有修竹茂松

西峯上方處臺榭隱朦朧

一作上方幽且暮臺殿隱朦朧

遠磬秋

山裏清猿古木中衆溪連竹路諸嶺共松風
儵許棲林下其成白首翁

宿北山禪寺蘭若

上方鳴梵磬林下一僧還密行傳人少
禪心對虎閒青松臨古路白日滿寒山
舊識窓前桂經霜更待一作攀

秋夜讀公房喜普門上人自陽羨山至

山棲久不見林下偶同遊早晚來香積
何人住沃洲寒禽驚後夜古木帶高秋
却入千峯去孤雲不可留

過包尊師山院

賣藥曾相識吹簫此復聞
杏花誰是主桂樹獨留君
漱玉臨丹井圍碁訪白雲
道經今爲寫不慮惜鵝群

題魏萬成江亭

蕭條方歲晏牢落對空洲
才出時人右家貧湘水頭
蒼山隱暮雪白鳥沒寒流
不是蓮花府冥冥不可求

題元錄事開元所居

幽居蘿薜情高卧紀綱行
鳥散秋鷹下人閒春草

生冒嵐歸野寺收印出山城今日新安郡因君水
更清

海鹽官舍早春

小邑滄洲吏新年白首翁一官如遠客萬事極飄
蓬柳色孤城裏鶯聲細雨中羈心早已亂何事更
春風

餘于旅舍

搖落暮天迴青楓霜葉稀孤城向水閉獨鳥背人
飛渡口月初上隣家漁未歸鄉心正欲絕何處搗
寒衣

松江獨宿

洞庭初下葉孤客不勝愁
明月天涯夜青山江上秋
一官成白首萬里寄滄洲
久被浮名繫能無愧海鷗

恩勅重推使牒追赴蘇州次前溪館作

漸入雲峯裏愁看驛路閑
亂鷗投落日疲馬向空山
且喜憐非罪何心戀未班
天南一萬里誰料得生還

移使鄂州次峴陽館懷舊居

多慙恩未報敢問路何長
萬里遡秋鴈千峯共夕陽

陽舊遊成遠道此去更迷鄉草露深山裏朝朝滿
客裳

晚次苦竹館却憶于越舊游

匹馬風塵色千峯欲暮時遙看落日盡獨向遠山
遲故驛花臨道荒村竹映籬誰憐却迴首步步戀
南枝

北歸次秋浦界清谿館

萬嶺

一作里

猿頻斷孤村客暫依鴈過彭蠡暮人向

宛陵稀舊路青山在餘生白首歸漸知行近北不
見鵲鳩飛

使還至菱陂驛渡獅水作

清川已再涉疲馬共西還何事行人倦終年流水

閑孤煙飛廣澤一鳥響

一作向

空山愁入雲峯裏蒼

蒼閑古關

安州道中經漣水有懷

征途逢漣水忽似到秦川借問朝天處猶看落日
邊映沙晴漾漾出澗夜濺濺欲寄西歸恨微波不
可傳

却歸睦州至七里灘下作

南歸猶謫宦獨上子陵灘江樹臨洲晚沙禽對水

寒山開斜照在石淺亂流難惆悵梅花發年年此地看

謫官後却歸故村將過虎丘悵然有作

萬事依然在無如歲月何邑人憐白髮庭樹長新柯故老相逢少同官不見多唯餘舊山路惆悵枉帆過

步登夏口古城作

半蕪連古堞遠客此沾衣高樹朝光上空城秋氣歸微明漢水極搖落楚人稀但見荒郊外寒鷗暮暮飛

清明後登城眺望

風景清明後雲山睥睨前
百花如舊日萬井出新
烟草色無空地江流合遠天
長安在何處遙指夕陽邊

岳陽館中望洞庭湖

萬古巴丘戍平湖此望長
問人何淼淼愁暮更蒼蒼
蒼疊浪浮元氣中流沒太陽
孤舟有歸客早晚達瀟湘

湘中紀行五首

湘妃廟

荒祠古木暗寂寂此江濱未作湘南雨知爲何處
雲苔痕斷珠履草色帶羅裙莫唱迎仙曲空山不
可聞

斑竹巖

蒼梧在何處斑竹自成林點點留殘淚枝枝寄此
心寒山響易滿秋水影偏深欲覓樵人路蒙籠不
可尋

洞山陽

浮丘公
隱處

舊日仙成處荒林客到稀白雲將犬去芳草任人
歸空谷無行徑深山少落暉桃園幾家住誰爲掃

荆扉

雲母溪

雲母映溪水溪流知幾春
深藏武陵客時過洞底
人白髮慚皎鏡清光媚
齋淪寥寥古松下歲晚掛
頭巾

赤沙湖

茫茫葭莢外一望一霜衣
秋水連天濶潯陽何處
歸沙鷗積暮雪川日動寒暉
楚客來相問孤舟泊
釣磯

秋杪江亭有作

一作秋杪
丁越亭

寂寞江亭下江楓秋氣斑

一作日暮更愁遠天涯殊未還

世情何

處澹湘水向人間寒渚一孤鴈夕陽千萬山扁舟
將落葉此去未知還

秋日登吳公臺上寺遠眺寺卽陳將吳明徹
戰場

古臺搖落後秋入望鄉心野寺來人少雲峯隔水
深夕陽依舊壘寒磬滿空林惆悵南朝事長江獨
至今

過桃花夫人廟

卽息夫人

寂寞應千歲桃花想一枝路人看古木江月向空

祠雲雨飛何處山川是舊時獨憐春草色猶似憶
佳期

經漂母墓

昔賢懷一飯茲事已千秋古墓樵人識前朝楚水
流渚蘋行客薦山木杜鵑愁春草茫茫綠王孫舊
此遊

奉使至申州傷經潛沒

舉目傷蕪沒何年此戰爭歸人失舊里老將守孤
城廢戍山煙出荒田野火行獨憐潯水上時亂亦
能清

代邊將有懷

少年辭魏闕白首向沙場
瘦馬戀秋草征人思故鄉
暮笳吹塞月曉甲帶胡霜
自到雲中郡于今百戰強

丁籤十六劉長卿之五

唐音統籤卷

二十五

五言律詩二

穆陵關北逢人歸漁陽

逢君穆陵路匹馬向桑乾
楚國蒼山古幽州白日
寒城池百戰後耆舊幾家殘
處處蓬蒿遍歸人掩
淚看

酬李郎中夜登福州城樓見寄

辛勤萬里道蕭索九秋殘
日照閩中夜天凝海上
寒客程無地遠主意在人安
遙寄登樓作空知行
路難

酬皇甫侍御見寄時前相國姑臧公初臨郡
離別江南北汀洲葉再黃路遙雲共水袖迴月如
霜歲儉依仁政年衰憶故鄉佇看宣室召漢法倚
張綱

酬李侍御登岳陽見寄

想見孤舟去無由此路尋暮帆遙在眼春色獨何
心綠水瀟湘濶青山鄴杜深誰當北風至爲爾一
開襟

酬張夏雪夜赴州訪別途中苦寒作

扁舟乘興客不憚苦寒行晚暮相依分江湖欲別

情水聲冰下咽砂路雪中平舊劍鋒鉞盡應嫌贈
脫輕

酬張夏別後道中見寄

離群方歲晏謫宦在天涯暮雪同行少寒潮欲上
遲海鷗知吏傲沙鶴見人衰只畏生秋草西歸亦
未期

酬張夏

幾歲依窮海頽年惜故陰劍寒空有氣松老欲無
心翫雪勞相訪看山正獨吟孤舟且莫去前路水
雲深

酬郭夏人日長沙感懷見贈

此公比經流
寓親在上都

舊俗歡猶在
憐君恨獨深
新年向國淚
今日倚門心
歲去隨湘水
春生近桂林
流鶯且莫弄
江畔正行吟

酬李員外從崔錄事載華宿三河戍先見寄
寒江鳴石瀨
歸客夜初分
人語空山答
猿聲獨戍聞
遲來朝及暮
愁去水連雲
歲晚心誰在
青山見此君

酬秦系

鶴書猶未至
那出白雲來
舊路經年別
寒潮每日

迴家空歸海燕人老發江梅最憶門前柳閒居子
自裁

見秦系離婚後出山居作

豈知偕老重垂老絕良姻鄰里誠難負
貧綻衣留欲故織錦罷經春何況靡蕪綠空山不
見人

月下呈章秀才

八元

自古悲搖落誰人柰此何夜蛩偏傍枕寒鳥數移
柯向老三年謫當秋百感多
家貧惟好月空媿子猷過

贈西隣盧少府

籬落能相近漁樵偶復同
苔封三徑絕溪向數家
通犬吠寒煙裏鷄鳴夕照中
時因杖藜次一作倚因藍輦
出相訪竹林東

贈普門上人

支公身欲老長在沃洲多
慧力堪傳教禪心久伏
魔山雲隨坐夏江草伴頭陀
借問迴心後賢愚去
幾何

朱放自杭州與故里相使君立驛回因以奉
簡吏部楊侍郎製文

片石羊公後淒涼江水濱好辭千古事墮淚萬家
人鵬集占書久鸞回刻篆新不堪相顧恨文字日
生塵

卧病喜田九見過

卧來能幾日春事已依然不解謝公意翻令靜者
便庭陰殘舊雪柳色帶新年寂寞深村裏唯君相
訪偏

寄會稽公徐侍郎

公時任
主簿

搖落淮南葉秋風想越吟鄒枚入梁苑逸少在山
陰老鶴無衰貌寒松有本心聖朝難稅駕惆悵白

唐詩集
卷之四
雲深

寄萬州崔使君

令欽

時艱方用武儒者任浮沉
搖落秋江暮憐君巴峽
深丘門多白首蜀郡滿青襟
自解書生詠愁猿莫
夜吟

重推後却赴嶺外待進止寄元侍郎

却訪巴人路難期國士恩
白雲從出岫黃葉已辭
根大造功何薄長平氣尚
冤空令數行淚來往落
湘沅

罪所留繫寄張十四

不見君來久
冤深意未傳
冶長空得罪
夷甫豈言
錢直道天何在
愁容鏡亦憐
因書欲自訴
無淚可
潛然

赴南巴書情寄故人

後四句與前篇同

南過三湘去
巴人此路偏
謫居秋瘴裏
歸處夕陽
邊
直道天何在
愁容鏡亦憐
裁書欲誰訴
無淚可
潛然

洞庭驛逢郴州使還寄李湯司馬

洞庭秋水闊
南望過衡峯
遠客瀟湘裏
歸人何處
逢
孤雲飛不定
落葉去無蹤
莫使滄浪叟
長歌笑

爾容

逢郴州使因寄鄭協律

相思楚天外，夢寐楚猿吟。
更落淮南葉，難爲江上心。
衡陽問人遠，湘水向君深。
欲逐孤帆去，茫茫何處尋。

對酒寄嚴維

陋巷喜陽和，衰顏對酒歌。
懶從華髮亂，閒任白雲多。
郡簡容垂釣，家貧學弄梭。
門前七里瀨，早晚子陵過。

重過宣峯寺山房寄靈一上人

西陵潮信滿島嶼入中流越客依風水相思南渡
頭寒光生極浦暮雪映滄洲何事揚帆去空驚海
上鷗

寄靈一上人初還雲門

一作錢起誤

寒山白雲裏法侶自相携竹逕通城下松風隔水
西方同沃洲去不作武陵迷髣髴心知處高峯是
會稽

寄普門上人

白雲幽卧處不向世人傳聞在千峯裏心知獨夜
禪辛勤羞薄祿依止愛閑田惆悵王孫草青青又

一年

赴新安別梁侍郎

新安君莫問此路水雲深
江海無行跡孤舟何處
尋青山空向淚白日豈知
心縱有餘生在終傷老
病侵

和州留別穆郎中

播遷悲遠道搖落感衰容
今日猶多難何年更此
逢世交黃葉散鄉路白
雲重明發看煙樹唯聞江
北鐘

江州留別薛六柳八二員外

江海相逢少東南別處長獨行風嫋嫋相去水茫茫
茫白首辭同舍青山背故鄉離心與潮信每日到
潯陽

赴宣州使院夜宴寂上人房留辭前蘇州韋
使君

白雲乖始願滄海有微波戀舊爭趨府臨危欲負
戈春歸花殿暗秋傍竹房多耐可機心息其如羽
檄何

歸弋陽山居留別盧邵二侍御

渺渺歸何處泔流附客船久依鄱水住頻稅越人

田偶俗機偏少安間性所便祇應君少慣又欲寄
林泉

巡去岳陽却歸鄂州使院留別鄭洵侍御侍
御謫居此州

何事長沙謫相逢楚水秋暮帆歸夏口寒雨對巴
丘帝子椒漿莫騷人木葉愁誰憐萬里外離別洞
庭頭

將赴江西湖上別皇甫曾之宣州

此去君何恨南行我更遙一作莫恨扁舟去川途我更遙東西湖
渺渺離別雨蕭蕭綠水通春谷青山過板橋潯陽

如枉棹千里有歸潮

一作天涯有來客
進爾訪漁樵

却赴南巴留別蘇臺知己

又過梅嶺上歲歲北枝寒落日孤舟去青山萬里
看猿聲湘水靜草色洞庭寬已料生涯事唯應把
釣竿

雨中過員稷巴陵山居贈別

憐君洞庭上白髮向人垂積雨悲幽獨長江對別

離牛羊歸故道鳥雀

一作猿鳥

聚寒枝明發遙相望雲

山不可知

贈別盧司直之閩中

爾來多不見此去又何之華髮同今日流芳似舊
時洲長春色遍漢廣夕陽遲歲歲王孫草空憐無
處期

餞別王十一南遊

望君煙水濶揮手淚沾巾飛鳥沒何處青山空向
人長江一帆遠落日五湖春誰見汀洲上相思愁
白蘋

曲阿對月別岑况徐說

金陵已蕪沒函谷復煙塵猶見南朝月還隨上國
人白雲心自遠滄海意相親何事須成別汀洲欲

暮春

長沙桓王墓下書事別李紆張南史

長沙千載後春草獨萋萋流水朝將暮行人東復

西碑苔幾字滅山木萬株齊佇立傷今古

一作唯有年芳

在相看惜解携

丁籤十六劉長卿之六

唐音統籤卷

二百三十六

五言律詩三

新安奉送穆論德歸朝賦得行字

九重宣室召萬里建溪行事直皇天在歸遲白髮
生用材身復起覩聖眼猶明離別寒江上潺湲若
有情

夏口送徐郎中歸朝

星象南宮遠風流上客稀九重思曉奏萬里見春
歸棹發空江響城孤落日暉離心與楊柳臨水更
依依

送王員外歸朝

往來無盡目離別要逢春
海內惟多事天涯見近臣
芳時萬里客鄉路獨歸人
魏闕心常在隨君亦向秦

淮上送梁二恩命追赴上都

賈生年最少儒行漢庭聞
拜手卷黃紙迴身謝白雲
故關無去客春草獨隨君
森森長淮水東西自此分

奉送裴員外赴上都

彤襜江上遠萬里詔書催
獨過潯陽去空憐潮信

迴離心秋草綠揮手暮帆開想見秦城路人看五
馬來

送李補闕之上都

獨歸西掖去難接後塵遊向日三千里朝天十二
樓路看新柳夕家對舊山秋惆悵離心遠滄江空
自流

送許拾遺還京

萬里辭三殿金陵到舊居文星出西掖卿月在南
徐故里驚朝服高堂捧詔書暫容乘駟馬誰許戀
鱸魚

送王端公入奏赴上都

舊國無家訪臨岐亦羨歸途經百戰後客過二陵
稀秋草通征騎寒城背落暉行當蒙顧問吳楚歲
頻饑

送蔣侍御入秦

朝見及芳菲恩榮出紫微晚光臨伏奏春色共西
歸楚客移家老秦人訪舊稀因君鄉里去爲掃故
園扉

送營田判官鄭侍御赴上都

上國三千里西還及歲芳故山經亂在春日送歸

長曉奏趨雙闕秋成報萬箱幸論開濟力已實海陵倉

送蔡侍御赴上都

遲遲立駟馬久客戀瀟湘明日誰同路新年獨到鄉孤煙向驛遠積雪去關長秦地看春色南枝不可忘

送鄭司直歸上都

歲歲逢離別蹉跎江海濱宦遊成楚老鄉思逐秦人馬首歸何日鶯啼又一春因君報情舊閒慢欲垂綸

重陽日鄂城樓送屈突司直

登高復送遠惆悵洞庭秋風景同前古雲山滿上
游蒼蒼來暮雨森森逐寒流今日關中事蕭何共
爾憂

送李端公赴東都

軒轅征戰後江海別離長遠客歸何處平蕪滿故
鄉夕陽帆杳杳舊里樹蒼蒼惆悵蓬山下瓊枝不
可忘

送韋贊善使嶺南

欲逐樓船將方安卉服夷炎洲經瘴遠春水上瀝

遲歲貢隨重譯年芳徧四時
番禺靜無事空詠飲泉詩

夏口送屈突司直使湖南

共愁來夏口何事更南征
霧露行人少瀟湘春草生
鴛鴦何處夢猿嘯若爲聲
風月新年好悠悠遠客情

送裴二十端公使嶺南

蒼梧萬里路空見白雲來
遠國知何在憐君去未迴
桂林無落葉楊嶺自花開
陸賈千年後誰看朝漢臺

送梁侍御巡永州

蕭蕭江雨暮客散野亭空憂國天涯去思鄉歲暮
回到時猿未斷迴處水應窮莫望零陵路千峯萬
木中

送李員外使還蘇州兼呈前袁州使君賦得
長字袁州員外之從兄

別離誠共怨

一作共成怨

衰老更難忘夜月留同舍秋

風在遠鄉朱絃徐向燭白髮強臨觴歸獻西陵作
誰知此路長

送南特進赴歸行營

聞道軍書至揚鞭不問家虜雲連白草漢月到黃
沙汗馬河源飲燒羌隴坻遮翩翩新結束去逐李
輕車

奉陪使君西庭送淮西魏判官

得山字

羽檄催歸恨春風醉別顏能邀五馬送白逐一星
還破竹從軍樂看花聽訟閒遙知用兵處多在八
公山

送盧判官南湖

漾舟仍載酒愧爾意相寬草色南湖綠松聲小署
寒水禽前後起

一作出

花嶼往來看已作滄洲調無

心戀一官

草色一聯高仲武以爲累句

送嚴侍御克東畿觀察判官

洛陽征戰後君去問凋殘雲月臨南至霜風向北
寒故園經亂久古木隔鄰看誰訪江城客年年守
一官

送河南元判官赴河南勾當苗稅克百官俸

錢

春草長河曲離心共渺然芳收漢家俸獨向汶陽
田鳥雀空城在憐無舊路還山東征戰苦幾處有
人煙

送青苗鄭判官歸江西

三苗餘古地五稼滿秋田來問周公稅歸輸漢條
錢江城寒背日湓水暮連天南楚凋殘後疲民賴
爾憐

送康判官往新安

一作皇甫冉詩

不向新安去那知江路長猿聲近廬霍水色勝瀟
湘驛路收殘雨漁家帶夕陽何須愁旅泊使者有
輝光

送喬判官赴福州

揚帆向何處揮羽逐征東夷落人煙迥王程鳥路

通江流回澗底山色聚閩中君去凋殘後應憐百
越空

送獨孤判官赴嶺

伏波初樹羽待爾靜川鱗嶺海看飛鳥天涯間遠
人蒼梧雲裏夕青草瘴中春遙想文身國迎舟拜
使臣

送侯侍御赴黔中充判官

不識黔中路今看遣使臣猿啼萬里客鳥似五湖
人地遠官無法山深俗豈淳須令荒徼外亦解懼
埋輪

送裴使君赴荆南行軍司馬

盛府南門寄前程積水中月明臨夏口山晚望巴東故節辭江郡寒笳發渚宮漢川風景好遙羨逐羊公

送李校書赴東浙幕府

方從大夫後南去會稽行淼淼滄江外青青春草生芸香辭校事梅吹聽軍聲應訪王家宅空憐江水平

餘干夜宴奉餞前蘇州韋使君

復拜東陽郡遙馳北闕心行春五馬惡向夜一猿

深山過康郎近星看婺女臨幸容樓託分猶戀舊
棠陰

送齊郎中赴海州

華省占星動孤城望日遙直廬收舊草行縣及新
苗滄海天連水青山暮與朝閭閻幾家散應待下
車招

鄂渚送池州程使君

蕭蕭五馬動欲別謝臨川落日蕪湖色空山梅冶
煙江潮通解舍楚老拜戈船風化東南滿行舟來
去傳

送梁郎中赴吉州

遙想廬陵郡還聽叔度歌
舊官移上象新令布中和
看竹經霜少聞猿帶雨多
但愁徵拜日無柰借留何

送齊郎中典括州

星象移何處旌麾獨向東
勸耕滄海畔聽訟白雲中
樹色雙溪合猿聲萬嶺同
石門康樂住幾里枉帆通

奉送盧員外之饒州

天書萬里至旌旆上江飛
日向鄱陽近應看吳岫

微暮帆何處落潮水背人歸風土無勞問南枝黃
葉稀

送史九赴任寧陵兼呈單父史八時監察五
兄初入臺

趨府弟聯兄看君此去榮春隨千里道河帶萬家
城繡服棠花映青袍草色迎梁園修竹在持贈結
交情

送李摯赴延陵令

清風季子邑想見下車時向水彈琴靜看山採菊
遲明君加印綬廉使託憚發旦暮華陽洞雲峯若

有期

送袁明府之任

既有親人術還逢試吏年蓬蒿千里閉村樹幾家
全雪覆淮南道春生潁谷煙何時當會政相府待
聞天

送嚴維尉諸暨

嚴卽越州人

愛爾文章逸還家印綬榮退公兼色養臨下帶鄉
情喬木映官舍春山宜縣城應憐釣臺石閒却爲
浮名

送路少府使東京便應制舉

時梁宋初失守

故人西奉使胡騎正紛紛舊國無來信春江獨送

君五言凌白雪六翻向青雲誰念滄洲吏忘機鷗

鳥群

首二句一作汀洲芳草綠日暮更氛是末二句一作空自無機事沙鷗已可群

送馬秀才移家京洛便赴舉

自從爲楚客不復掃荆扉劍共丹誠在書隨白髮
歸舊遊經亂靜後進識君稀空把相如賦何人薦

禮闈

送張七判官還京覲省

大夫之子時初

春蘭方可採此去葉初齊函谷鶯聲裏秦山馬首
西庭闢新柏署門館舊桃蹊春色長安道相隨入

禁闌

送度支留後若侍御之歙州便赴信州省覲
國用憂錢穀朝推此任難卽山榆莢變降雨稻花
殘林響朝登嶺江喧夜過灘遙知驄馬色應待倚
門看

送張栩扶持之睦州

此公舊任
建德令

過憶新安舊扁舟復却還淺深看水石來往逐雲
山入縣餘花在過門故柳閒東征隨子去偕隱薜
蘿間

送孫學京監糧第歸蜀覲省

通賀一枝新旋驚萬里分禮闈稱獨步太學許能
文征馬望春草行人看暮雲遙知倚門處江樹正
氛氲

送薛承矩秩滿北遊

匹馬向何處北遊殊未還寒雲帶飛雪日暮鴈門
關一路傍汾水數州看晉山知君喜初服祇愛此
身閒

送崔昇歸上都

舊寺尋遺緒歸心逐去塵早鶯何處客古木幾家
人白髮經多難滄洲欲暮春臨期數行淚爲爾一

沽市

南湖送徐二十七西上

家在橫塘曲那能萬里違
門臨秋水揜帆帶夕陽
飛傲俗宜紗帽干時倚布衣
獨將湖上月相逐去還歸

送友人西上

羈心不自解有別會沾衣
春草連天積五陵遠客
歸十年經轉戰幾處便芳菲
想見函關路行人去亦稀

送李中丞歸漢陽別業

流落征南特曾驅十萬師罷歸無舊業老去戀明
時獨坐三朝識一作獨立三輕生一劍知茫茫漢
江上日暮欲何之

送張判官罷使東歸

白首辭知己滄洲憶舊居落潮迴野艇積雪卧官
廬范叔寒猶在周王歲欲除春山數畝地歸去帶
經鋤

送行軍張司馬罷使迴

一作送張繼
司直適越

時危身赴敵事往任浮沉末路三江去當時百戰
心春風吳苑綠古木剡山深千里滄波上歸雲不

可尋

高仲武以後四句爲玉微之類

更被奏留淮南送從弟罷使江東

又作淮南客還悲木葉聲寒湖落瓜步秋色上蕪城
王事何時盡滄洲羨爾行青山將綠水惆悵不勝情

送裴郎中貶吉州

亂軍交白刃一騎出黃塵漢節同歸闕江帆共逐臣
猿愁岐路晚梅作異方春知己鄴侯在應憐脫粟人

送李使君貶連州

獨過長沙去誰堪此路愁秋風散千騎寒雨泊孤
舟賈誼辭明王蕭何識故侯漢廷當自召湘水但
空流

送李侍御貶鄱陽

此公近由
此州使廻

迴車仍昨日謫去已秋風干越知何處雲山只向
東暮天江色裏田鶴稻花中却見鄱陽吏猶應舊
馬驄

送李侍御貶郴州

洞庭波渺渺君去弔靈均幾路三湘水全家萬里
人聽猿明月夜看柳故年春憶想汀洲畔傷心向

白蘋

送李秘書却赴南中

此公舉家先流嶺外兄弟數人俱沒南中

却到番禺日應傷昔所依
炎洲百口住故國幾人歸
路識梅花在家存棣萼
稀獨逢迴鴈去猶作舊行飛

送崔處士先適越

山陰好雲物此去又春風
越鳥聞花裏曹娥想鏡
中小江潮易滿萬井水皆通
徒羨扁舟客微官事不同

送人遊越

一作鄞
元詩

未習風波事初爲吳越遊露沾湖草晚

一作曉月照

海山門

一作秋梅市門

何在蘭亭水尚流西陵待潮

處落日滿孤舟

送友人南遊

不愁尋水遠自愛逐連山雖在春風裏猶從芳草間
去程何用計勝事且相關旅逸同群鳥悠悠往復還

送崔載華張起之閩中

不識閩中路遙知別後心猿聲入嶺切鳥道問人深
旅食過夷落方言會越音西征開幕府早晚用

陳琳

送張司直赴嶺南謁張尚書

番禺萬里路遠客片帆過盛府依橫海荒祠拜伏
波人經秋瘴變鳥墜火雲多誠憚炎洲裏無如一
顧何

送李校書適越謁杜中丞

江風處處盡旦暮水空波搖落行人去雲山向越
多陳蕃懸榻待謝客在帆過相見耶溪路透迤入
薜蘿

送李七之荅水謁張相公

惆悵青春晚，慙慙濁酒壚。
後時長劍澁，斜日片帆孤。
東閣邀才子，南昌老腐儒。
梁園舊相識，誰憶卧江湖。

送陸羽之茅山寄李延陵

延陵衰草遍，有路問茅山。
雞犬驅將去，煙霞擬不還。
新象彭澤縣，舊國穆陵關。
處處逃名姓，無名亦是閒。

送李二十四移家之江州

煙塵猶一作遙滿目，岐路易沾衣。
遷客多南渡，征鴻自北飛。
九江春草綠，一作東林古寺靜千里暮潮歸。
別後

誰相訪全家隱釣磯

一作羨爾全家
隱爐峯對掩扉

送朱山人放越州賊退後歸山陰別業

越州初罷戰江上送歸橈南渡無來客西陵自落
潮空城垂故柳舊業廢春苗關里相逢少鶯花共
寂寥

送睦州孫沅却歸句章新營所居

故里歸成客新家去未安詩書滿蠅舍征稅及漁
竿火種山田薄星居海曲寒憐君不得已步步別
離難

送人歸宣州因寄林山人

陵陽不可見獨徃復如何舊邑雲山裏扁舟來去
過鳥聲春谷靜草色太湖多儻宿荆溪夜相思漁
者歌

送金昌宗歸錢塘

新家浙江上獨泛落潮歸秋水照華髮涼風生葛
衣柴門嘶馬少藁杖拜人稀惟有陶潛柳蕭條對
掩扉

和州送人歸復郢

因家漢水曲相送掩柴扉故郢生秋草寒江淡落
暉綠林行客少赤壁佳人稀獨過潯陽去潮歸人

不歸

送舍弟之鄱陽居

鄱陽寄家處自別掩柴扉故里何人在滄波孤客
歸湖山春草遍雲木夕陽微南去逢迴鴈應憐相
背飛

送袁處士

開田北川下靜者去躬耕萬里空江蓑孤舟過鄢
城種荷依野水移柳待山鶯出處安能問浮雲豈
有情

送顧長往新安

唐詩集
由來山下客復道向新安半是乘潮便全非行路
難晨裝林月在野飯浦沙寒巖子千年後何人釣
舊灘

送裴二十一

多病長無事開筵暫送君正愁帆帶雨莫望水連
雲客思閒偏極川程遠更分不須論早晚惆悵又
離群

送宣尊師醮畢歸越

吹簫江上晚惆悵別茅君踏火能飛雪登山一作春
入白雲晨香長日在夜磬滿山聞揮手桐溪路無

情水亦分

送勤照和尚往睢陽赴太守請

燃燈傳七祖杖錫爲諸侯來去雲無意東西水自流
青山春滿目白月夜隨舟知到梁園下蒼生賴此遊

送道標上人歸南岳

悠然倚孤棹却憶卧中林江草將歸遠湘山獨往深
白雲留不住綠水去無心衡岳千峯亂禪房何處尋

送靈徹上人歸嵩陽蘭若

南地隨緣久東林幾歲空
暮山門獨掩春草路難
通作梵連松韻焚香入桂叢
唯將舊瓶鉢却寄白雲中

送方外上人之常州依蕭使君

宰臣思得度鷗鳥戀爲群
遠客廻飛錫空山卧白雲
夕陽孤艇去秋水兩溪分
歸共臨川史同翻貝葉文

送少微上人遊天台

石橋人不到獨往更迢迢
乞食山家少尋鐘野寺遙
松門風自掃瀑布雪難消
秋夜聞清梵餘音逐

海潮

故女道士婉儀太原郭氏挽歌詞二首

作範宮闈睦歸真藝業超馭風仙路遠昔日帝宮
遙鸞殿空留處霓裳已罷朝淮王哀不盡松栢但
蕭蕭

宮禁恩長隔神仙道已分人間驚早露天
上失朝雲逝水年無限佳城日易蕪簫聲將薤曲哀斷不
堪聞

過隱空和尚故居

自從飛錫去人到沃州稀林下期何在山中春獨

月三
歸踏花尋舊徑映竹掩空扉
寒落東峯上猶堪靜
者依

尋白石山真禪師舊草堂

惆悵雲山暮閑門獨不開
何時飛杖錫終日閉蒼
苔隔嶺春猶在無人燕亦來
誰堪暝投處空復一
懷哀

鄂渚聽杜別駕彈胡琴

文姬留此曲千載一知音
不解胡人一作見語空愁
楚客心聲隨邊草動意入隴雲深
何事長江上蕭蕭出塞吟

獄中見壁畫佛

不謂銜冤處而能窺大悲獨棲叢棘下還見雨花
時地狹青蓮小城高白日遲幸親方便力猶畏毒
龍欺

秋夜北山水舍觀體如師梵

焚香奏仙唄向夕遍空山清切兼秋遠威儀對月
閒靜分巖響苔散逐海潮還幸得風吹去隨人到
世間

和靈一上人新泉

東林一泉出復與遠公期石淺寒流處山空夜落

時一作淺澗春流夢閑聞細響慮澹對清漪動靜
皆無意唯應達一作者知

夏中崔中丞宅見海紅搖落一花獨開

何事一花殘閑庭百草闌綠滋經雨發紅艷隔林
看竟日餘香在過時獨秀難共憐芳意晚秋露未
須圓

端
闌中見桃花南枝已開北枝未放因寄杜副

何意同根本開花每後時應緣去日遠獨自發春
遲結實恩一作難忘無言恨豈知年光不可

待空羨向南枝

過蕭尚書故居見李花感而成詠

手植已芳菲
心傷故徑微
往年啼鳥至
今日主人非
滿地誰常掃
隨風豈復歸
空憐舊陰在
門客共沾衣

丁籤十六劉長卿之七

唐音統籤卷

二百三十七

五言排律

九日蔡國公主樓

主第人何在重陽客暫尋
水餘龍鏡色雲罷鳳簫
音晴勝藏昏曉蒼苔換
古今晴山卷幔出秋草
閉門深籬菊仍新吐庭
槐尚舊陰年年盡梁燕
來去豈無心

負謫後登干越亭作

天南愁望絕亭上柳條
新落日獨歸鳥孤舟何
處人生誰殺越嶺

一作

嶠世業陷胡塵杳杳鍾陵暮悠

應鄒水春

一作江入千峯暮花連百越春

秦臺悲白首楚澤怨青

蘋草色迷征路鶯聲傍逐臣獨醒空

一作翻

取笑直

道不容身得罪風霜苦全生天地仁青山數行淚

滄海

一窮鱗牢落機心盡惟

一作空

憐鷗鳥親

樓霞寺東峯尋南齊明徵君故居

山人今不見山鳥自相從長嘯辭明主終身卧此

峯泉源通石徑欄戶掩塵容古墓依寒草前朝寄

老松片雲生斷壁萬壑迴疎鐘惆悵空歸去猶疑

林下逢

自道林寺西入石路至麓山寺過法崇師故

居

山僧候谷口石路拂莓苔深入泉源去遙從樹杪
回香隨青霤散鐘過白雲來野雪空齋掩山風古
殿開桂寒知自發松老問誰栽惆悵湘江水何人
更渡杯

奉和杜相公新移長興宅呈元相公

間世生賢宰同心奉至尊功高開北第機靜灌中
園入並蟬冠影歸分騎士喧窓聞漢宮漏家識杜
陵源獻替常懷藁優閒獨樹萱花香逐荀令草色
對王孫有地先開闢何人不掃門江湖難自退明

主託元元

和中臺出使恩命過終南別業

不過林園久，多因寵遇偏。
故山長寂寂，春草過年年。
花待朝飛散，雲迎驛騎連。
松蘿深舊閣，樵水散閑田。
拜闕貪綈珮，看琴懶更絃。
君恩催早入，已夢得巖邊。

和袁郎中破賊後軍行過剡中山水謹上太

尉

即李光弼

剡路除荊棘，王師罷鼓鼙。
農歸滄海畔，圍解赤城西。
赦罪春陽發，收兵太白低。
遠峯來馬首，橫笛入

猿啼蘭渚催新幄桃源識故蹊已聞開閣待誰詩
卧東溪

奉和趙給事使君留贈李婺州舍人兼謝舍
人別駕之什

便道訪情親東方千騎塵禁深分直夜地遠獨行
春絳闕辭明王滄洲識近臣雲山隨候吏雞犬逐
歸人庭顧婆娑老邦傳蔽芾新玄暉翻佐理聞到
郡齋頻

酬包諫議見寄之什

佐郡愧頑疎殊方親里閭家貧寒未度身老歲將

除過雪山僧至依陽野客舒藥陳隨遠宦梅發對
幽居落日棲鵲鳥行人遺鯉魚高文不可和空愧
學相如

酬李使君見贈

蒲鏡慈華髮空山寄此身白雲家自有黃卷業長
貧懶任羣羣老狂因釀黍春桃花迷聖代桂樹狎
幽人幢蓋方臨郡柴荆忝作隣但愁千騎至石路
却生塵

行營酬呂侍御時尚書問罪襄陽軍次漢東
境上侍御以州隣寇賊復有水火迫於征稅

詩以見論

不嫌清南卧來趨漢將營受辭瞻左鉞扶疾拜前
廳井穉鶉衣樂壺漿鶴髮迎水歸餘斷岸烽至掩
孤城晚日歸一作當千騎秋風合五兵孔璋才素健
早晚檄書成

登遷仁樓謝壻李穆

臨風敞麗譙落日聽吹簫歸路空迴首新章已在
腰非才受官謗無政作人謠儉歲安三戶餘年寄
六條春蕪生楚國古樹過隋朝賴有東床客池塘
免寂寥

奉陪鄭中丞自宣州解印與諸姪宴餘干後

溪

跡遠親魚鳥功成厭鼓鼙林中阮氏

作家集池作生

上謝公題戶牖垂藤合藩籬棟樑齊文陽山向背

春草水東西看竹誰家好尋花幾路迷何勞問秦

漢更入武陵溪

集本多訛今從文苑英華改定

題獨孤使君湖上林亭

出樹倚朱闌吹鏡引上官老農持鋤拜時稼捲簾
看水對登龍淨山當建隼寒夕陽湖草動秋色瀟
田寬渤海人無事荊州客獨安謝公何足比來往

石門難

題大理黃王簿湖上高齋

閉門湖水畔自與白鷗親
竟日窓中岫終年林下人
俗輕儒服弊家厭法官
貧多兩茅簷夜空洲草徑
春桃源君莫愛且作漢朝臣

同姜濟題裴式微餘干東齋

世事終成夢生涯欲半過
白雲心已矣滄海意如何
藜杖全吾道榴花養太和
春風騎馬醉江月釣魚歌
散帙看蟲蠹開門見雀羅
遠山終日在芳草傍人多
吏體莊生傲方言楚俗訛
屈平君莫弔腸

斷洞庭波

留題李明府霽溪水堂

寥寥

一作寂寂

此堂上幽意復誰論落日無王事青山

在縣門雲峯向高枕漁釣入前軒晚竹疎簾影春

苔雙履痕荷香隨坐卧湖色映晨昏虛牖閒生白

鳴琴靜對言暮禽飛上下

一作上下

春水

一作草

帶清渾

遠岸誰家柳孤煙何處村處村謫瘴癘離思過湘
沅從此扁舟去誰堪江浦猿

初貶巴南至謫居投李嘉祐江亭

南出巴人徼

一作巴徼南行遠

長江萬里隨不才其謫去

流水亦何之地遠明君棄天高酷吏欺青山獨往
路芳草未歸時流落還相見悲歡話所思猜讒傷
蕙荻愁暮向江籬淚盡看長劍心閑倚釣絲水雲
初起重暮鳥遠來遲稚子能吳語新文怨楚辭憐
君不得意客鬢老南枝

舊本江籬下有柳色迎高
場荷衣照下帷釣絲下有

沙鷗驚小吏湖月上高枝高仲武
所搗爲累句也今照品彙本刪去

同諸公袁郎中宴筵喜加章服

手詔來筵上腰金向粉闌勲名傳舊閣蹈舞着新
衣白社同遊在滄洲此會稀寒笳發後殿秋草送
西歸世難常摧敵時閑已息機魯連功可讓千載

一相輝

秋日夏口涉漢陽獻李相公

日望衡門處心知漢水濱
偶乘青雀舫還在白鵝
群間氣生靈秀先朝翼戴勲
藏弓身已退焚藁事
難聞舊業成青草全家寄白雲
松蘿長稚子風景
逐新文山帶寒城出江依古岸
分楚歌悲遠客羌
笛怨孤軍鼎罷調梅久門看種藥勤
十年猶去國
黃葉又紛紛

長沙早春雪後臨湘水呈同遊諸子

汀洲暖漸綠煙景淡相和舉目方如此歸心豈柰

何日華浮野雪春
色染湘波北渚生
芳草東風變舊柯
江山古思遠猿鳥
暮情多君問漁人
意滄浪自有歌

贈元容州

擁旌臨合浦上印卧長沙
海徼長無戍湘山獨種
畚政傳通歲貢才惜過年
華萬里依孤劍千峯寄
一家累徵期旦暮未起
戀煙霞避世歌芝草休官
醉菊花舊遊如夢裏此別
是天涯何事滄波上漂
漂逐海槎

按覆後歸睦州贈苗侍御

地遠心難達天高謗易成
竿腸留覆轍虎口脫餘生
直氏倫金柱于家決獄明
一言知己重片議殺身輕
日下人誰憶天涯客獨行
年光銷蹇步秋氣入衰情
建德知何在長江問去程
孤舟百口渡萬里一猿聲
落日開鄉路空山向郡城
豈令冤氣積千古在長平

落第贈楊侍御兼拜員外仍充安大夫判官
赴范陽

職副旌旄重才兼識量通
使車遙肅物邊策遠和戎
擲地金聲著從軍寶劍雄
官成稽古力名達濟

時功肅穆烏臺上雍容粉署中含香初待漏揚
舊生風黠吏偏驚隼貪夫輒避聰且知榮已隔誰
謂道仍同念舊追連茹謀生任轉蓬泣憐三獻玉
瘡懼再傷弓戀土函關外瞻塵灞水東他時書一
札猶冀問途窮

禪智寺上方懷演和尚寺卽和尚所創

總轡東林寺高僧惠遠公買園隋苑下持鉢楚城
中斗極千燈近煙波萬井通遠山低月殿寒水露
花宮紺宇焚香淨滄洲擺霧空鴈來秋色裏曙起
早潮東飛錫今何在蒼生待發蒙白雲翻送客庭

樹自辭風捨筏追開士
迴舟狎釣翁平生江海意
惟共白鷗同

至饒州尋陶十七不在寄贈

謫宦投東道逢君已北轅
孤蓬向何處五柳不開
門去國空迴首懷賢欲訴冤
梅枝看嶺嶠竹路過
湘源月下高秋鴈天南獨夜猿
離心與流水萬里
共朝昏

奉寄婺州李使君舍人

建隼罷鳴珂初傳來暮歌
漁樵識太古草樹得陽
和東道諸生從南依
遠客過天清婺女出
土厚終

人多永日空相望流年復幾何崖開當夕照葉去
逐寒波眼暗經難受身閒劍懶磨似鵝占賈誼上
馬試廉頗窮分安藜藿衰容稱薜蘿只應隨越鳥
南翥託高柯

賈侍御自會稽使廻篇什盈卷兼蒙寄一首
與余有掛冠之期因書數事率成十韻

江上逢星使南來自會稽驚年一葉落按俗五花
嘶上國悲蕪梗中原動鼓聲報恩看鐵劍銜命出
金閨風物催歸緒雲峯發詠題天長百越外潮上
小江西鳥道通閩嶺山光落剡溪暮帆千里思秋

夜一猿啼柏樹榮新寵桃源憶故蹊若爲能去此行復草萋萋

至德三年春正月時謬蒙差攝海鹽令聞王師收二京因書事寄上浙西節度李侍郎中丞行營五十韻

天上胡星孛人間反氣橫風塵生汗馬河洛縱長鯨本謂才非據誰知禍已萌食參將可待誅錯輒爲名萬里兵鋒接三時羽檄驚負恩殊鳥獸流毒遍黎氓朝市成蕪沒干戈起戰爭人心懸反覆一作載天道暫虛盈畧地侵中土傳烽到上京王師陷

魑魅帝座逼攬搶渭水嘶胡馬秦山泣漢兵關原

馳萬騎煙火亂千靈鳳駕瞻西幸龍樓議北征自

將行破竹誰學去吹笙白日重輪慶玄穹再造榮

鬼神潛釋一作憤夷狄遠輸誠海內戎衣卷關中

賊壘平山川隨轉戰草木困一作橫行區宇神功

立謳歌一作帝業成天迴萬象慶龍見五雲迎小

苑春猶在長安日更明星辰歸正位雷雨發殘生

文物登前古簫韶下太清未央新柳色長樂舊鍾

聲八使推邦彥中司案國程蒼生屬伊呂明主伏

韓彭兇醜將除蔓奸豪已負荆世危看柱石時難

識忠貞薄伐徵貔虎長驅擁旆旌吳山依重鎮江
片帶行營金石懸詞律煙雲動筆精運籌初減竈
調鼎未和羹北虜傳初解東人望已傾池塘催謝
客花木待春卿昔忝登龍首能傷困驥鳴艱難悲
伏劍提轡喜懸衡巴曲誰堪聽秦臺自有情遂令
辭短褐仍欲請長纓久客田園廢初官印綬輕榛
蕪上國路苔蘚北山楹懶慢羞趨府驅馳憶退耕
榴花無暇醉蓬髮帶愁縈地僻方言異身微俗累
并家憐雙鯉斷才愧小鮮烹滄海今猶滯青陽歲
又更洲香生杜若谿煖一作戲鳩鵲煙水一作宜

春候襄關

一作開

值晚晴潮聲來萬井山色映孤城

旅夢親喬木歸心亂早鶯倘無知已在今已訪蓬

瀛

丁籤十六劉長卿之八

唐音統籤卷

二百三十八

五言排律二

夏口送長寧楊明府歸荆南因寄幕府諸公

關西楊太尉千載德猶聞白日俱終老清風獨至

君身承遠祖遺

一作後

才出衆人羣舉世貪荆玉全

家戀楚雲向煙帆杳杳臨水葉紛紛草覆昭丘綠

江從夏口分高名光盛府異姓寵殊勲百越今無

事南征欲罷軍

送荀八過山陰舊縣兼寄剡中諸官

訪舊山陰縣扁舟到海涯故林嗟滿歲春草憶佳

期晚景千峯亂晴江一鳥遲桂香留客處楓暗泊
舟時舊石曹娥篆空山夏禹一作祠刻谿多隱吏
君去道相思

奉餞元侍御加豫章採訪兼賜章服

時諸州亦初停

度節

任重兼烏府時平偃豹韜澄清湘水變分別楚山
高花對彫檐發霜和白雪操黃金裝舊馬青草換
新袍嶺暗猿啼月江寒鷺映濤豫章生字下無使
翳蓬蒿

奉餞郎中四兄罷餘杭太守承恩加侍御史

克行軍司馬赴汝南行營

星使三江上天波萬里通權分金節重恩借鐵冠
雄梅吹前軍發棠陰舊府空殘春錦障外初日羽
旗東岸柳遮浮鷁江花隔避驄離心在何處芳草
滿吳宮

瓜洲驛奉饒張侍御公拜膳部郎中却復憲
臺克賀蘭大夫留後使之嶺南時侍御先在
淮南幕府

太華高標峻青陽淑氣盤屬辭傾渤澥稱價掩琅
玕楊葉頻推中芸香早拜官後來慚轍跡先達仰

門闌佐劇勞黃綬提綱疾素餐風生趨府步筆偃
觸邪冠骨頰知難屈鋒鋦豈易于仲將調玉鉉翻
自落金丸異議那容直專權本畏彈寸心寧有負
三黜竟無端適喜鴻私降旋驚羽檄攢國憐朝市
易人怨虎狼殘天地龍初見風塵虜未殫隨川歸
少海就日背長安副相榮分寄輪忠義不刊擊胡
馳汗馬遷蜀扈鳴鑾月罷名卿署星懸上將壇三
軍搖旆出百越盡圖觀茅茹能相引泥沙肯再蟠
兼榮知任重交辟許才難勁直隨臺栢芳香動省
蘭璧從全趙去鵬自北溟搏星象銜新寵風霜帶

舊寒是非生倚伏榮辱繁悲歡疇昔偏殊巧屯蒙
獨永歎不才成擁腫失計似邯鄲江國傷移律家
山憶考槃一爲鷗鳥誤三見露華團迴首青雲裏
應憐濁水瀾愧將生事托羞向髭毛看知己傷
素他人自好丹鄉春連楚越旅宿寄風濤世路東
流水滄江一釣竿松聲伯禹穴草色子陵灘度嶺
情何遽臨流興未闌梅花分路遠楊子上潮寬夢
想懷依倚煙波限渺漫且愁無去鴈寧冀少迴鸞
極浦春帆迥空郊晚騎單獨憐南渡月今夕送歸

鞍

湖南使還留辭辛大夫

王師勞近甸兵食仰諸侯天子無南顧元勲在上
海大才生間氣盛業拯橫流風景隨搖筆山川入
運籌羽觴交餞席旄節對歸舟鶯識春深恨猿知
日去愁別離花寂寂南北水悠悠唯有家兼國終
身其所憂

罷攝官後將還舊居留辭李侍御

江海今爲客風波失所依白雲心已負黃綬計仍
非累辱群公薦頻霑一尉微去緣焚玉石來爲采
葑菲州縣名何在漁樵事亦違故山桃李月初服

薜蘿衣能軾分朝寄龍韜解賊圍風謠傳吏體雲
物助兵威白雪飄辭律青春發禮闈引軍橫吹動
授翰捷書揮草映營門綠花臨檄羽飛全吳爭轉
戰狂虜怯知機憶昨趨金節臨時廢玉徽俗流應
不厭靜者或相譏世難慵干謁時閑喜放歸潘郎
悲白髮謝客愛清輝樗散材因棄交親迹已稀獨
愁看五柳無事掩雙扉世累多行路生涯向釣磯
榜連溪水碧家羨渚田肥旅食傷飄梗巖棲憶采
薇悠然獨歸去迴首望旌旗

送徐大夫赴廣州

上將壇場拜南荒羽檄招遠人

一作方

來百越元老

事三朝霧繞龍川暗山連象郡遙路分江森森軍
動馬蕭蕭盡角知秋氣樓船逐暮潮當令輪貢職
不使外夷驕

送邵州判官往南

一作皇甫冉詩

看君發原隰駟牡去皇皇始罷滄江令還隨粉署
郎海沂軍未息河堯歲仍荒征稅人全少憐蕪庸
近亡新知行宋遠相望隔淮長早晚裁書寄銀鈎
佇八行

毗陵送鄒紹先赴河南充判官

王事相逢少雲山柰別何芳年臨水怨瓜步上潮
過客路方經楚鄉心共渡河凋殘春草在離亂故
城多罷戰逢時春輕徇俗和東西此分手惆悵
恨煙波

送嚴維赴河南克嚴中丞幕府

久別耶溪客來乘使者軒用才榮入幕扶病喜同
樽山展留何處江帆去獨翻暮情辭鏡水秋夢識
雲門蓮府開花萼桃源寄子孫何當舉嚴助偏沐
漢朝恩

送姚八之句容舊任便歸江南

故人還水國春色動離愁碧草千萬里滄江朝暮
流桃花迷舊路萍葉蕩歸舟遠戍看京口空城問
石頭折芳佳麗地望月西南樓猿鳥共孤嶼煙波
連數州誰家過楚老何處戀江鷗尺素能相報湖
山若個憂

宿嚴維宅送包佶

一作皇甫冉詩

江湖同避地分手自依依盡室今爲客驚秋空念
歸歲儲無別墅寒服羨隣機草色村橋晚蟬聲江
樹稀夜深宜共醉時難忍相違何事隨陽鴈汀洲
忽背飛

送鄭說之歙州謁薛侍郎

漂泊來千里，謳謠滿百城。
漢家尊太守，魯國重諸生。
俗變人難理，江傳水至清。
船經危石住，路入亂山行。
老得滄洲趣，春傷白首情。
嘗聞馬南郡，門下有康成。

無錫東郭送友人遊越

客路風霜曉，郊原春興餘。
平蕪不可望，遊子去何如。
煙水乘湖濶，雲山適越初。
舊都懷作賦，古穴覓藏書。
碑缺曹娥宅，林荒逸少居。
江湖無限意，非獨爲樵漁。

送鄭十二還廬山別業

潯陽數畝宅歸卧掩柴關谷口何人待

一作門前

秋草閑忘機賣藥罷無語杖藜還舊筍成寒竹空
齋向暮山水流經舍下雲去到人間桂樹花應發
因行寄一攀

奉送從兄罷官之淮南

何事浮溟渤元戎棄鎮鄒漁竿吾道在鷗鳥世情
賒玄髮他鄉換滄洲此路遐汭公隨桂檝醒醉任
松華離別誰堪道艱危更可嗟兵鋒播海內王命
隔天涯鐘漏移長樂衣冠接永嘉還當拂氛祲那

復卧雲霞溪路漫岡轉夕陽歸鳥斜萬艘江縣聚
一樹海人家揮袂看朱紱揚帆指白沙春風獨迴
首愁思極如麻

送從弟貶袁州

一作皇甫冉詩

何事成遷客思歸不見鄉遊吳經萬里弔屈向三
湘水與荆巫接山通鄢郢長名羞黃綬繫身是白
眉良獨結南枝恨應思北鴈行憂來沽楚酒老鬢
莫疑霜

哭張員外繼

公及夫人相次歿於洪州

慟哭鍾陵下東流與別離三星來不返雙劍沒相

隨獨繼先賢傳誰刊有道碑故園荒峴曲旅櫬寄
天涯白簡曾連拜滄州每共思撫存憐齒稚歎逝
顧身衰泉壤成終古雲山若在時秋風鄰笛發寒
日窺門悲世難愁歸路家貧緩葬期舊負傷未散
夕臨咽恒遲自此辭張邵何由見戴逵獨聞山吏
部流涕訪孤兒

哭魏兼遂

公及孀妻幼子與家童數人相次逝沒葬丹陽

古今俱有此修短竟誰分罇酒空如在絃琴豈重
聞一門同逝水萬事共浮雲舊館何人宅空山遠
客墳艱危貧且病少小秀而文獨行依窮巷全身

出亂軍歲時常寂寞煙月自氛氲隴樹隨人古山
門對日曠泛舟悲向子留劍贈徐君來去雲陽路
傷心江水憤

同郭叅謀詠崔僕射淮南節度使廳前竹

昔種梁王苑今移漢將壇

一作不學媚清
瀾能依上將壇

蒙籠低

毚過青翠捲簾看得地移根遠經霜抱節難開花

成鳳實嫩筍長魚竿藹藹軍容靜蕭蕭郡宇寬細

音和角暮疎影上門寒湘浦何年變山陽幾處殘

一作阮巷何人
在梁園幾處殘

空餘軒屏側歲晚對袁安

題靈祐上人法華院木蘭花

其樹嶺南
移值此地

庭種南中樹年華幾度新已依初地長獨發舊園
春映日成華蓋搖風散錦茵色空榮落處香醉往
來人齒替千燈遍芳菲一雨均高柯儻爲檝渡海
有良因

六言律詩

舊漢酬梁耿別後見寄

晴川落日初低惆悵孤舟解携鳥向平蕪遠近人
隨流水東西白雲千里萬壑明月前溪後溪獨恨
長沙謫去江潭春草萋萋

首二句一作清溪水路
何極落日孤舟解携獨

恨一作
惆悵

蛇浦橋下重送嚴維

秋風颯颯鳴條風月相和寂寥黃葉一離一別青
山暮暮朝朝寒江漸出高岸古樹猶依斷橋明日
行人已遠空餘淚滴迴潮